

欽定石渠寶笈續編

欽定石渠寶笈續編

第二十六

重華宮藏三

皇上御筆書畫三

御筆古稀說一卷

本幅蠟牋本縱一尺一寸橫二尺七寸八分
行書

古稀說 余以今年登七袞因用杜甫句刻古
稀天子之寶其次章即繼之曰猶日孜孜蓋予

宿志有年至八旬有六即歸政而頤志於寧壽宮其未歸政以前不敢弛乾惕猶日孜孜所以

答

天庥而勵已躬也正壽之慶羣臣例當進獻辭賦於是彭元瑞有古稀之九頌既以文房等件賜之以旌其用意新而遣辭雅顧一再翻閱頗有不得_不為之說以申予意者其詞曰 古人有言頌不忌規茲元瑞之九頌徒見其頌而未見其

規在元端為得半而失半然使子觀書錄解題
自滿遂以為誠若此則不但失半宋史且失全子
何肯如是夫由斯不自滿歎然若有所不足之
意充之以是為敬

天之本必益凜旦明毋敢或渝也以是為法
祖之規必思繼

前烈而慎聰聰也以是勤民庶無始終之變耳以是
典學為實學以是奮武非黷武以是籌邊非鑿

空。以是制作非虛飾。若夫用人行政。旰食宵衣。孰不以是為慎。脩思永之樞機乎。如是而觀。允瑞之九頌。方且益深。予臨深履薄之戒。則其頌也。即規也。更憊思之。三代以上。弗論矣。三代以下。為天子而壽。登古稀者。纔得六人。已見之近作矣。至夫得國之正。擴土之廣。臣服之普。民庶之安。雖非大當。可謂小康。且前代所以亡國者。曰強藩。曰外患。曰權臣。曰外戚。曰女謁。曰宦寺。

曰奸臣曰佞倖今皆無一彷彿者即所謂得古
稀之六帝元明二祖為創業之君禮樂政刑有
未遑焉其餘四帝余所不足為法而其時其政
亦豈有若今日者哉是誠古稀而已矣夫值此
古稀者非

上天所賜乎

天賜古稀於予而予設弗以敬承之弗勵慎終如始
之志以竭力敬

天法

祖勤政愛民古云適百里者半九十里慄慄危懼誠
恐耄荒而有所隕越將孤

天恩予又何敢如是然則元瑞九頌有裨於予者大
焉故為之說如右羣臣獻辭賦者甚夥大約不
出於元瑞之九頌予將以是說槩之則所為有
頌而鮮規者亦畢視之為進規而非雷頌矣
庚子李秋之月中澣御筆鈐寶三靜中觀造化

古稀天子之寶猶日孜孜

引首

御筆 敬承法健 鈐寶一乾隆御筆

鑒藏寶璽五福五代堂古稀天子寶八徵耄念之
寶天地為師落紙雲烟石渠寶笈所藏

御筆玉甕記一卷

本幅蠟牋本縱一尺一寸橫二尺七寸七分
行書

玉甕記 昔閱輟耕錄及金鰲退食筆記知有
元時玉甕而淪為西華門外道人貯菜器命以
千金易之仍設承光殿一再題詠亦既惜荆凡
惕殷鑒矣既而定回部悉有產玉之山孕玉之
水蓋水孕者精而山產者鉅因命輿致一山產

者為玉甕則較承光殿所設者質美而工精於
庚寅春與諸翰臣聯句而落成之一之為甚豈
可再乎乃今復有玉甕之記則以事有不期而
文有紀實所以誌吾幸抑以誌吾過也其誌吾
幸也若何回部遠在萬里之外自古中國所不
能臣今則一視郡縣取携自如且元時僅能致
其一今則有其二而質美器鉅乃過之雖弗侈
言懷畏而較有元為勝此吾所以為幸也其誌

吾過若何方取斯玉於密爾岱之山也司事之
臣蓋駐劄葉爾羌之大臣瑪興阿於凡鑿採運
運無不給以日價茶鹽衆回初無工役之苦其
後高樸代之不惟減其官給抑且勞以私力為
竊取牟利之計於是窮回胥怨幾致激變幸因
塞提卜阿爾迪之訴命永貴審明置高樸於法
而回衆始安此吾所以為過也夫為幸不過騁
一時之觀設為過而反之不速則或失土地而

興兵戎成何事體不將貽笑後世乎然其反之
之速蓋難言矣非夫明理識人公而無私正而
能斷未有不因遲疑以致決裂者今則誅僨轅
而致重器葉爾羌萬里以外羣回安堵有熙皞
之樂免兵戈之苦是吾於誌過之中而又有大
誌幸者存焉故為文泐甕中吾子孫視此文當
以吾之過為戒不可以吾之幸為可幸邀尚慎
旃哉 庚子孟冬月中澣御筆鈐寶三靜中觀

造化古稀天子之寶猶日孜孜

引首

御筆 式古垂謨 鈐寶一 乾隆宸翰

鑒藏寶璽石渠寶笈所藏

御筆改教詩一軸

本幅舊蠟箋本縱五尺六寸橫一尺九寸行
書

弗勝民社任正途例改教內卿外方伯課吏率
同調予亦不能違捨此無他道然予更思之頗
覺殊緩要道德齊以禮聖訓如日照政刑民苟
免安能致熙皞德禮在明經王道無近效則今
之所為重吏輕學校然其龍鍾輩難免虐無告

彼方隱其歲自以為年少設彼更致問觀人戒
取貌何知我不能亦乏語而報詩識用人難無
因以自誦 改教一首辛丑仲春月上澣御筆
鈐寶二所寶惟賢乾隆御筆

鑒藏寶璽石渠寶笈所藏

御筆辛丑三月晦日作一冊

本幅金粟箋本六對幅每幅縱一尺四寸八分橫一尺一寸行書

西巡演迤返園寮微幸青郊暘雨調體物惟殷
譙以受勅幾所戒滿而招林扉鳥喜綠將暗花
埭蜂稀紅已消九十春光無少欠那辭夏孟達
明朝辛丑三月晦日作御筆鈐寶二古稀天
子之寶猶日孜孜

鑒藏寶璽石渠寶笈所藏

御筆九日登高作歌一卷

本幅蠟牋本縱一尺六分橫二尺七寸六分
行書

九日登高作歌 九日登高傳自古興來今日
吟杜甫笑他未識此中佳藍水玉山奚足伍塞
峯蒼翠天沈寥潭清武列翻銀濤俯仰間可會
萬理詎惟即景恣清遨試云萬理如何會高字
其義所包大天之高也日月運地之厚也嵩岱

最奉茲三者亦惟君君之高也仍藉民徒恃厥
高弗恤下危乎危哉高將淪名之高者實或墮
言之高者行難隨曲高六律和必寡堂高數仞
終就卑僂數斯其小者耳然則欲高有何美一
覽七字促成章登高降下仍茲理 辛丑重陽
日御筆鈐寶二古稀天子之寶猶日孜孜

引首

御筆

理呈俯仰

鈐寶一乾隆御筆

鑑藏寶壺石渠寶笈所藏

御筆浙省新製側理紙成試書因得句一軸

本幅側理紙本縱四尺橫二尺二寸五分行
書

丁丑初獲側理紙訝為新見祇兩幅既而懋勤
檢庫物五番原以弃之夙一再吟詠試墨卿無
喻鑒人失清目通年做為命浙匠始猶難之近
則熟海苔漁網弗讓古用實不竭勝越竹鏡牋
滑潤玉版脆此獨精堅更淳朴譬之漢庭固多

材相如輩夥汲黯獨既思何求而弗獲於人艱
哉益增慙 浙省新製側理紙成試書因得句
辛丑長至月之朔御筆鈐寶二乾卦古稀天子
之寶

鑑藏寶璽石渠寶笈所藏

御筆翠交軒石生柏子圖一軸

〔本幅〕宣紙本縱三尺五寸橫一尺三寸一分

水墨畫石竅中生柏樹旁石兀立并題

寒燠四時運陰陽二氣交竅心有根柢塊面長
枝梢茂已柏花吐粗將石孔包蕃鮮震標象磊
砢艮陳爻靄靄祥雲護滾滾瑞露捎玉蟾應駐
窟凡鳥敢移巢茵俯青苔紐竿依綠筍勺載觀
求應處堪以暢吟敲 壬寅暮春上澣圖翠交

軒石生柏子脫葉即疊辛巳舊作題軒詩韻幀
端并錄舊作於後 假山植真樹歲久翠陰交
甘露常承葉祥雲每壓梢瑞圖休鼓舞理趣喜
含苞不有四時運誰明六位爰隙中無礙遠密
處自相捎未許蛛懸網惟應鵲繕巢張如碧油
織伴合綠瓊勺最愛微風拂琳枝颯沓敲 鈴
寶七古稀天子之寶猶日孜孜乾隆半榻琴書
意在筆先摘藻為春

鑒藏寶壘石渠寶笈所藏

御筆畫青松一軸

本幅宣德牋本。縱三尺三寸橫一尺三寸水
墨畫松生枯相倚凌霄絡之作花甚茂

御製青松詩

青松植庭前。率以卅年計。凌霄於其傍。延蔓松
身施。歲久松益佳。入畫足古致。然高出簷者枯
枝。見一二貞幹。胡如斯。徘徊思其義。蓋緣凌霄
纏束縛。以為累。因之憶宋史。冠準譽丁謂。既而

為所傾。始伏李沆議。君子近小人。胥當知此意。
右青松一首。辛丑清和所作也。幾暇復為補
圖。仍書此詩於上。壬寅長至月。御筆鈐寶五。古
稀天子之寶。猶日孜孜。含英咀華。即事多所欣。
雲容水態堪娛。

鑒藏寶壘。古稀天子八徵耄念之寶。石渠寶笈所
藏。

御筆重華宮記 一冊

〔本幅〕倣金粟箋本。十二幅。縱一尺一寸八分。橫一尺七寸五分行書。

重華宮記 宮殿之制。乾清坤寧二宮為紫微正中。左右各二永巷。每一永巷以次列三宮。斯為十二宮。其後東西以次各列五所。重華宮則昔之西二所也。雍正年間予蒙

賜居於此。即位後。應升為宮。彼時大學士鄂爾泰張

廷玉擬以重華為額雖頌之意耶而規即在此
是以俞而稱之夫重華協帝豈易言哉必有所
以勅幾興事知人安民而其本則在於審微危
之心執精一之中是以四十餘年惟日孜孜宵
衣旰食雖未致隕越而於熙世化民究無所成
是故紀

恩堂之記為於丙戌抑齋之記作於辛卯凡所以遲
遲慎重者恐有言行不符致負初心耳若夫重

華宮之記自不可闕而其應慎重又奚啻前二
記之比哉少而居之長而習之四十餘年之政
皆由是而出之茲去歸政之年亦祇一紀然予
猶是予也政猶是政也寰區猶是寰區也而戶
口日以增穀帛日以昂養且不能那敢言教蒿
目焦心難臻大當迴思居是宮勤聖學而談王
道不惟莫之有為而竟失於無策則是記也亦
自訟自責之章益增慚愧而已昔宋孝宗倦勤

之後所居號重華宮此係近年觀武林舊事而知者其名不約而同然既為上皇奚取重華之義彼其之人實非予所羨也一紀之後將退居寧壽宮亦不忍移此名於彼蓋宿學之所安舊劍不能忘也是以四十八年以來元旦除夕無不於此少坐新正與諸臣茶宴聯句率為例典異日歸政或時一米臨更成佳話其能踐斯言與否則敬俟

昊蒼之眷佑。今日之下。亦不敢預為侈談也。 乾隆

癸卯新正月。御筆鈐寶二。乾卦。古稀天子之寶。
鑒藏寶。五福五代堂古稀天子寶。八徵耄念之
寶。石渠寶笈所藏。

御筆畫玉蘭一軸

本幅宣德牋本縱二尺五寸五分橫二尺水墨畫茸坡立石玉蘭一株并題

衡翁愛寫玉蘭姿名蹟石渠多貯之偶為傳神
揮數朶勝他真贋致然疑 甲辰季春曾於吳
中玉蘭堂寫此花並題句弄彼處迴蹕舟行餘
暇復成是幀古稀不能為細筆真杜老所云霧
中看花矣清和上澣御識鈐寶五乾隆新藻發

春妍寓意真可人涉筆偶值幾閒

鑒藏寶壘古稀天子石渠寶笈所藏

御筆國學新建辟雍園水工成碑記一卷

本幅蠟牋本縱一尺一寸橫二尺七寸行書
國學新建辟雍園水工成碑記 名者實之賓
實者名之主為學之方應務其實以漸脩其名
不可炫其名以致亡其實興學之源基要於國
學國學者天子之學也天子之學曰辟雍諸侯
之學曰泮水北京之國學自元歷明以至本朝
蓋五百餘年矣有國學而無辟雍名實或不相

稱焉。雖有建議請復以乏水而格部議至今未
復。癸卯春始有復建之諭。甲辰冬乃觀新工之
竣。將於乙巳仲春行釋奠禮。遂臨雍以落成焉。
夫北京為天下都會。教化所先也。大典缺如。非
所以崇儒重道。古與稽而今與居也。雖乏水然
有不改之井。汲以綆而用之無窮。亦在人為之
而已。於是石之鱗次見。園斯池水之鏡澄見。明
斯漪殿之據中見。隆其懷橋之通行見。接其基

上庠下庠雖難考二典之制而東序西序總不出三代之規則。是工之舉也。又予知過論所謂於不可已者。仍酌行之之意。而物給價工。給值原非勞民動衆之為。若夫三老五更之說。予以為括於養老化俗之儀。而非天子臨雍所必應并行而不遺者。蓋弗見於詩書。乃特出杜氏通典之私耳。且予向有三老五更之說。已明闡其謬。茲不復綴乎辭。雖然。予更有所懼。於是舉者

夫是舉豈非復古興學之懿有何懼而予懼之
者恐後之人執乎復古之說於一切衣冠典禮
皆欲效漢人之制則予為得罪

祖宗之人匪教伊虐甚慮不宜也予之子孫臣庶體
予此心於可復古者復之其不可復者斷不可
泥古而復之夫徒慕復古之虛名而致有忘

祖宗之實失非下愚而何予不為也予敬以是告子
孫以保我皇清萬年之基也 乾隆甲辰孟秋

月中泚御筆鈐寶三游六藝圖古稀天子之寶
猶日孜孜

引首

御筆 典備橋門 鈐寶一古稀天子之寶

鑒藏寶璽五福五代堂古稀天子寶八徵耄念之
寶寓意于物筆端造化石渠寶笈所藏

御筆讀易繫辭上傳第五章書義 一卷

本幅蠟牋本縱一尺五分橫二尺六寸七分

行書

讀易繫辭上傳第五章書義 此章與中庸首章相表裏子思或有承乎是章之義乎蓋一陰一陽之謂道繼之者善成之者性即所謂天命之謂性也仁者見之謂之仁知者見之謂之知即所謂率性之謂道也百姓日用而不知故君

子之道鮮矣。即所謂脩道之謂教也。至於顯諸
仁藏諸用。鼓萬物而不與聖人同憂。註疏家皆
作一句讀。余則以為鼓萬物而不與應作一句
而與應作去聲。如舜禹有天下而不與之與。蓋
所謂不居而已耳。不居則不知。不知則無為。無
為則無心。設以上聲讀。而貫下文。是視天地與
聖人有間。然且有心矣。夫大易一乾坤乾坤一
陰陽陰陽一天地。天地一易簡春生夏長天地

之顯諸仁也。秋收冬藏，天地之藏諸用也。而天地實不居其功。此即天地之無心也。若夫聖人輔相左右，是有心也。有心則不能無為，不能無為則不能不代天地同憂矣。咨政之暇，與諸皇子及數儒臣示及此，並命各抒其見以論之。皆以為不出所示，故不復贅文闡論，而直陳其義如此。然予亦未肯遂信，以為題爰簡筆書之以俟後之深於易者。乾隆乙巳仲夏月御筆鈐。

寶三。靜中觀造化。古稀天子之寶。猶日孜孜。

引首

御筆。義闡天心。鈐寶一。乾隆御筆。

鑒藏寶璽。石渠寶笈所藏。

御筆哀明陵三十韻一卷

本幅蠟箋本縱一尺二寸橫五尺四寸行書

哀明陵三十韻 北過清河橋遙見天壽山勝

朝十三陵錯落兆其間太行龍脈西南來金堂

玉戶中天開左環右拱實佳城千峰後護高崔

嵬

昌平州名

黃土

山名

誠福地

永樂曾

以親臨視

計

英雄具眼自非常豈待王賢

廖

均卿

陳其藝

舊日下聞

載永樂初卜陵眾議欲用潭柘寺永樂獨銳意用黃土山即天壽山也又兩京求舊錄稱明陵

擇地或云山東王賢或云江西廖均卿所聞異
辭難以懸定據此則永樂考卜之說最為可信

或曰十三氣數盡朱明祚以此為準是蓋形家
惑世言承天造命惟君允後嗣米能繼祖烈朱
氏宗社那遽絕君昏國事付紹璫瞻烏久矣於
誰督向聞顏廢應脩治工鉅無敢發其辭湯山

駐蹕一往閔勝朝舊跡當護持後恩殿制肖皇

極名殿建雖存已剝丹青爛宣德曾頌袞奢麗宣明

宗實錄載宣德駐蹕陵下語侍臣云皇祖嘗言
帝王陵寢有崇奢麗及歲實王者皆無遠慮云

云。今觀長陵享殿曰稜思殿九間重簷石城極
樓規制苑奐雖丹青剝落而懷棟闕壯與皇極
殿相肖為自古所無豈此而非奢奢孰見石城
所云祛奢崇儉者乎

明樓依然魏三杯手酌拜如儀今春駐湯山。命

永樂長陵酌酒三爵如鍾山謁洪武孝陵之例
論明成祖之事雖非予所景仰然既為古帝王

自當下明臣屢詠衣冠閣楊士奇陪祀長陵作

拜如儀又區大相供事長陵詩云文皇鼎成後此地葬
衣冠又李應徵謁長陵詩云乾坤留劍鋸伏臘

拜衣冠蓋均指榆木底須重訂傳訛詞棟柱如
川事或出然者之口

舊椽木朽簷瓦落地狐兔走以其初建工力觀

未修蓋數百年久長陵殿宇雖存而椽木朽壞

論之不應無廢如是之速蓋自明中葉以後怠棄不脩者已一二百年至今則三四百年宜其

荒廢如永陵制乃如長陵明世宗陵曰永陵規

是也一周垣享殿明樓皆以文石為砌壯麗精緻如

陵不及見昌平山水記其後神宗定陵制亦如

永陵而修定陵效之侈有增忘其前世艱開初

徒計身後胥堪輕謂工部臣曰朕陵如是止乎

部臣倉皇對曰外尚有周垣長陵一碑功德記

未作乃築垣後定陵效之

餘皆有碑而無字泰山以後唐乾陵此典何出

竟為例。

明諸陵。惟長陵有聖德神功碑文。餘陵俱有碑。無字。檢查諸書。惟徐乾學詩禮

通考。載唐乾陵有大碑。無一字。不知何謂。而明諸陵效之。竟以為例。實不可解也。

乃就妃園葬。趙一桂曾記開壙香殿三間。復九

間寢床。供案皆雄壯。

明崇禎思陵。乃因田貴妃園寢。營建未畢。而都城失

守。賊以帝后梓宮移至昌平州。署吏目趙一桂率士民。歛錢安葬。記壙中隧道長十三丈餘。石

門內香殿三間。陳設器用衣物。又開二層石門。內通長大殿九間。寢床供案備具。一妃園寢如

此。其餘諸陵。一妃之費已如此。餘諸帝者可知。修費可知。

矣。即今雖為去禁採樵。松柏鬱蔥。屋傾圯。屋圯

猶可龕帳無並其神主全失諸尺木值幾亦盜

去汝祖獨非厥民乎

本朝定鼎後雖為明諸陵嚴禁焦蘓松楸弗剪而經

流賊兵燹之後殿宇多就傾圮不獨龕帳全無並神主亦俱遺失實不堪入目因降諭旨特派

大臣前往相度並發百萬帑金鳩工庀材通行脩葺俾一律堅整完固重設神主以時祭享

不忍再視命脩葺悵然悚然欲垂泣此意弗更

再三言讀名誥文示詳悉

因謂明陵屈指數明季之事應亡弗亡皆

賴天恩而思受命保命之要必當以奈何弗教為疎詳見所著讀名誥文

乾隆

乙巳仲夏月御筆鈐寶三天地為師古稀天子

之寶猶日孜孜

引首

御筆 永言垂鑒 鈐寶一古稀天子之寶

鑒藏寶璽五福五代堂古稀天子寶八徵耄念之
寶日監在茲涵虛朗鑒人情為田石渠寶笈所
藏

御筆清口詩一卷

本幅蠟箋本縱一尺一寸橫二尺八寸行書
清口清口定誌後廿餘年無事下河歲報收
運河亦利濟陶莊改流遠更鮮倒灌弊而何今
春旱淮弱瀉湖細續聞沙塗梗漕艘率淤滯因
思沙奚來豈非黃漾致馳諭問河臣始言倒灌
暨因循未早陳清閭敢荅偽即今淮尚弱引黃
助清勢前因疏奇管幹珍等奏清口停淤漕船
淺澗意必有黃水倒漾之事因降旨馳

詢薩載李奉翰始據覆奏六月下旬黃水陡長
內漾清口致有停淤因清水勢弱現在酌放祥
符五瑞二橋引黃入湖以為濟運地步等語黃
水挾沙而行今引黃入湖豈能留沙而獨流清
以助湖能保呵嗟有是乎此事誠堪異詎保弗
其不淤湖乎

挾沙開門揖盜計爰命重臣往薩載李奉翰等
前此摺內既未

奏及黃水倒漾之事直待馳詢知不可揜始行
奏明亦愚之甚矣清口為南北咽喉關係甚大

因傳諭大學士阿桂即日前往清口一帶會同
薩載等親行察看受病根由為之主持熟籌妥
議繪圖貼說據實具奏務
期經畫盡善以資利濟
悉心共諮議必當受

病源方可言調劑清口豈尋常南北咽喉地增

一南顧憂宵旰座弗置更思淮清源桐柏山禹

記或致有壅閼疏濬勅大吏

淮水發源桐柏山注洪澤湖今湖

水不旺或來源勢弱以致下游不能暢達因傳
論豫撫畢沅詳悉查勘淮源及旁挾支流有無
淤墊設法酌辦俾衆流濬發湖水充足得以助
清激黃至淮清廟亦令其虔申祭告以冀福

佑靈祠缺羶薌虔誠脩精祀叶政率求諸神平

成切慙愧

乾隆乙巳仲秋御筆鈐寶三學鏡

千古古稀天子之寶猶日孜孜

引首

御筆。瀆源籌利。鈐寶一古稀天子。

鑒藏寶璽石渠寶笈所藏

御筆涿鹿行疊韻詩十首一卷

本幅粉箋本。縱一尺七分。橫一丈一尺二寸。
行書。

涿鹿行乙亥經臨涿鹿城。因歌涿鹿行。太行濕水
互表裏。杏村柳陌過清明。閭閻氣象略溫飽。聞
道去年秋頗好。未經見豈無饑寒。粉飾詞虞出
官巧。軒轅熊羆靖蚩尤。耕桑今日三輔稠。懷音
狼臙與石留。薄伐深入全功收。流沙西被戎索

脩 涿鹿行 登去歲韻丙子采旄重臨四宇城獻

功將為在泮行。去年過此師方出尚憶興寄軒

轅明鶚翮其集鷹亦飽狡焉颺去自云好由米

天道本禍淫險遠安能恃奸巧檻車累致應自尤腴

顏猶詡懷恩稠阿睦爾撒納叛後猶上疏乞為
四部總台吉署銜尚稱定邊左

副將軍雙龍王奏露布正到啟程際叩
中多受恩圖報語

陵途為三日留天涯盡處消兵氣干戈包以虎皮收

千村耕牧本無事行因

釋奠文教修 涿鹿行再疊前韻 丁影燈喜爆開

郡城民風豐歎覘經行行宮晚景正清絕 薛詩

歲月標分明西征士騰馬亦飽機緣

天湊時誠好其如審勢乏人為

西師所至仰蒙天祐可剋日廓清而

統兵諸臣各分狼子野心殊詭巧降蕃變亂因

彼此致失機宜

畏尤阿睦爾撒納已雅爾等皆因受恩驕恣反

自知罪狀暴著懼罪誅討遂決計叛亂而不顧恩遇稠聲罪致討重整旅肯使脩德殘

生留七擒南人不復反三年克之鬼方收身此

南巡心西海宵衣寧憚軍書修
涿鹿行三疊
前韻辛詰旦發新城涿鹿按轡行
濃濃露氣重
麥穎珠光明農家已期餅餌飽
我戒滿言敢言
好行館壁題憶向米成功歲事誠
神巧失之甚
皆得之尤見開旋轉總沐惑論

天恩稠筠冲危蹕掄材留麟裏琅玕厥貢收
更復伊
犁農事修
涿鹿行四疊前韻壬行宮近隣
四
宇城至今四疊涿鹿行
昨辛者定識僥倖前丁

擘畫惠分明如願麥熟千村飽

去歲麥大熟

夏田苗

秀誠亦好不期秋霖忽致滂救災萬目之術巧
匪民之過皆我尤猶幸此方蒙

眷稠豫省河決乃大沴賑濟不教餘力留重臣馳驛

往督築幸能甄子全功收往來巡狩無非事萬

方方寸勵慎修

涿鹿行五疊前韻

乙酉今日駐

輦鄴州城明日啓駕遵南行倏忽一夜今成昨
往再來者今非明三年飮得桃花飽無去來今

惟靜好籍可喻四廵江東却是言實非譬巧人
有米去日何尤其間哀樂事已稠試看歷歷前
題句幾纖豪分為恒留所幸里民鮮菜色蓋因
客歲逢稔收以此祈年益切切謹身宵旰慎厥
脩 涿鹿行六疊前韻丁亥翠華將臨漂榆城信
宿涿鹿方啟行春雲乍喜低四野旋惜過午曦
光明千村景象頗溫飽屢綏之後蓋歲好籌民
之政豈多方在敦本不在新巧津門畿輔近之

尤觀俗早應恩沛稠三十二年此初幸緣有事

耳失遲留七十二沽詎遍歷繪圖撮要一望收

予有志焉貴目覩斟酌故守無新脩 涿鹿行

七疊前韻唐七言不似五言城短歌近體長歌

行於此恰宜歌涿鹿歷歷舊作書辟明城村民

象胥溫飽獄訟不興任邱好籌治蓋亦弗出茲

詎在求奇及誇巧不為己甚去其尤余於地方官民弊病

有犯必懲從不肯黷預了事然亦不肯逆億苛求嘗有詩云不為己甚去己甚總不外此意也

勉斯恒以喻衆稠省方展義率由此吉行五十
清蹕留觀燈應節入夕收明朝遂與登程脩
涿鹿行八疊前韻辛隆興慶落臨潭城驛程按
頓由茲行茲州涿鹿蹟最古律書定火紀載明
不得已用聞之飽軒轅詎以斯稱好止戈為武
勝券操驅以熊羆傳涉巧行館點綴戒效尤無
過一宿憩從聲稠筆硯精良牕几淨亦復樂此
摘句留逮茲八疊前韻收實覺多矣綺言脩

涿鹿行九疊前韻甲常聞衆志合成城曰休曰

助惟巡行時邁其邦

天子之設失其度戒亦明蠲租逋賦德期飽惠施那

計收成好去年直屬雨水調勻收成豐稔今歲因蹕路所經既按例蠲緩租賦其積

欠向年因偏災民間所借倉穀亦普予蠲免俾近畿黎庶並治盈寧之福務為實政

祛虛文由來大道無小巧好為章句豈非尤涿

鹿八疊韻已稠欲罷不能結習爾即今仍復一

疊留黃綾詩本寫以収未足契乎業之脩自

乙亥作涿鹿行至甲辰三十年中韻凡九疊十
首已全今春西巡過彼不復作彙錄成卷弄懋
勤以誌歲月乾隆丙午清和上澣御筆分鈐寶
古稀天子之寶猶日孜孜清心抒妙理乾隆見
天心寓意于物得大自在筆端造化含味經籍
叢雲即事多所欣體仁半榻琴書靜中觀造化
意在筆先筆花春雨研露

引首

御筆 巡甸賡成 鈐寶一古稀天子

鑑藏寶璽臣有同春寓意于物漱芳潤寫心人情
為田用筆在心成性存存化工四氣為全施日
監在茲石渠寶笈所藏

御筆題養正圖詩二冊

本幅仿金粟牋本

有乾隆年仿金粟山藏經紙記

二冊第一

冊三十幅第二冊三十一幅每幅縱八寸六

分橫八寸七分行書

寢門日三朝問安承色笑失常心誠憂膳徹詢

所樂允哉風人頌為子止於孝

寢門視膳

教子乃

稱慈莫要於擇師公望徹膳闕云非禮所宜助

教屏邪蒿依然直道遺

膳斤鮑魚

富民信善言發

倉不宿善如傷本風裏豈待溝壑轉高山切景

仰疊疊中心勉

振貸貧民

顓頊道匪遙端冕丹書

勘敬義及怠欲所爭勝一念詎惟戒寧玉萬古

垂君鑑

丹書戒

道充與弼承環立咸惟聖得一

己為報求四其奚稱能不聽朝乎蒿目惕以敬

臨朝四輔

桐圭命擇日史佚箴戲言盡美未盡善

宗元有謹論所嘉在從諫其事可兩存

桐葉封虞

繫解因自結於士信愛敬豈無僕隸人足以供

使令宣尼亦有言。文譎而不正。履自結炳火爵

衛客舉之牛口下。固宜羣臣爭孰。非入朝者不

以小亡大。卓論千秋寡。賢用飲君致君樂。遷

豆能無亂。卜晝未卜夜。不過能救半。傳稱兼仁

義。阿好乃過贊。戒君移相及民歲。孤立將焉

託載拜賀善言。天高聽早諾。三舍廿一歲。或亦

失穿鑿。善言躬耕妻饁餉。相敬如大賓。四季

因識缺。薦賢掌下軍。燕好慎動靜。鼎來還誠君。

夫婦如賓 善相善觀友吉惟自取耳荆君悟其言

虛懷收俊士 魁顏笑蔡澤唐舉真小矣

北相獻規

茅門擬應皋入者必下車廷理雖執法御者誠

何辜蹂雷至戮人荆刑亦甚乎

廷理執法

巡軍慰

勞寒士如挾纊暖行師固尚義濟仁用衆本舍

鞭語子草相去豈不遠

仁言勸衆

臨觀非德義其

樂未為廣勸善以戒惡輔道資忠讜晉侯誠渴

賢司馬應上賞

因樂求賢

士會實晉彥散冕登廊

廟進善不善遠秦乃數晉盜武仲對季孫亦稱

知政要

得賢弭盜

周廟右座器非尊亦非爵宣尼

闡明訓義富其言約惡

聲平

有滿不覆凜乎御朽

索

敬器示戒

廟階立金人緘口銘其背言鄙中事

情如臨師保誨於恒尚慎茲矧其為綸紵

叶金人

示戒

崇堂列賓筵鳴玉白珩訊譁囂非楚寶英

賢斯登進王孫誠善答簡子乃失問

賤貨尊賢

層

臺俯洪波酣飲樂乃泣舍死無諤諤紂已在默

默邑君尚憶忠天王可遠直

直思臣

寒老箴安

于忠信及敢矣心緩宜佩弦此物此志耳用是

治晉陽推行耀惇史

詢求政術

逢君善順承進過

巧無比六年不為暫曾未進一士藥激信佞人

致之者簡子

誅絕佞人

枚卜問李克克曰觀所進

商賢端不肖成因佩相印課臣在尚賢國治天

助順

咨訪相才

式車過段間尚德乃下已欲相干

木辭致祿國人喜禮賢非務名秦兵還為止

間式

禮士。

之任示三端。要在手親辦。誰非入悔者。久

乃愈明顯。治鄴人不欺。文侯教實善。政術論下飲

樂天復雨。宜止乃命駕。期獵往罷之。皮冠招豈

詐。綸綽慎所出。今名繼五霸。雨不失期委政國未

治。寧無蔽下情。毀譽防左右。實蹟使按行。烹阿

封即墨。齊威信英明。旌賢去姦敝袴命藏之。云待

有功贈。雖多渴賞人。聞之更誰應。頻笑固宜慎。

袴賞陋且佞。敝袴待功聽行貌雖醜。侍者阿姁麗。

說鏡而惡士。明己不知類。鄒忌曾發端。同歸此

一致。

井窺示警。

隆準起山東。得之以鞍馬。省書知

大意。非務章句也。誰云不喜儒。乃慕真儒者。教

學務

以上第一冊

弱翁相孝宣。條奏廿三事。

意不在紛更。謂古今異制。勸重農。圖備更。為識

要義。

條陳故事。

定陶初好學習。法律文辭加服遣。

之國。旌勸傳一時。入繼政乃亂。虛名害可思。

嘉獎

學勤

十歲通春秋。啟迪誠善矣。家居屬有疾。擁

經而前視永平有實政重道復如是下車問疾魯

論傳細君授帝承寵遇遣使常質疑研精窮理

趣面咨乃未傳或亦同溫樹遣使質疑賜錢惜郎

官不俞館陶求百里苟非人民將罹困憂恩義

兩無害顯宗策允周愛惜郎官抱兒獻水薤意各

有所喻恤孤清擊強仲遠實善悟淳于說鄒忌

微言導先路托物喻政東帛聘南陽降殿問失得

爾時政多疵未聞匡濟策白駒固休風虛名亦

奚益

禮聘遺賢

林宗告童子當精義講書照對人

師難如絲附藍朱躬行勝佔畢識超成人殊事

名賢勅子讀諸書純駁似相間迪德在救失固

亦有所見手澤依然存終焉竟亡漢教子讀書宣

子甫十齡傷指改容悲毀傷即不孝誠非為痛

啼忘身及親者可以翻然思傷指自悲朝暮運百

臂習勞歷厥躬疊不遑暇逸詎學清談崇昭烈

歎髀肉有志後先同運臂習勞相馬語誠信賣之

禍延人叔教有芳踪。母寧害己身。顯達埒王公。

乃惡元規塵。

不賣的虛

觀刈固甚快。速刈則甚勞。

胼胝歷三時。錢鏹始一朝。實言寧為諫。何致握

手蕭。

觀獲進規

布衣據江左。人情悉賢奸。猶自勤

庶政。投籤警夜眠。開創率無逸。守成鮮知艱。

投籤

警寐

弘矢少所御。尚未盡其妙。況乎治理微。更

宿因頒詔。文皇善繫矩。萬古垂政要。

喻政

宏

文聚四部。時彥引六人。不惟研經史。政務兼諮

詢固宜貞觀治幾與成康臻親關館撥反時已

平暇猶引衛士云不以穿池為師教弓矢納諫

帝所長詰戎又如此習射殿廷聞之古人言忠孝

非二事珪以對魏王可謂知要義所習在為善

此物猶此志崇師問道虧膳盡宰職申減據戴禮

引過致答謝孝敬固賢矣三復黃臺瓜高宗昏

無比上書減膳出入省無逸開元治臻奉天寶相

李楊乃以山水代有初鮮克終萬古垂明戒觀國

自警

薛王屬有疾煮藥然帝髡病痊鬚何惜史

傳頌友于友于貴中庸僕寺豈一無然煮藥攬

鏡忽不樂殊瘦因相休貌瘦天下肥乃為社稷

謀敬肆一念間播越亦已求克已任賢元宗初勤

政每自擇刺史宋州宴從臣舉酒褒冠泚惟良

二千石課吏宣同揆獎勸循良養身惟寡欲治世

務愛民內聖與外王言實而弗文藝祖書之屏

可謂善尊聞樂受格言唐宗放三千宋祖惟一百

數匪減前人三百守宮掖怨曠內外鮮善政光

史策

散遣宮人

屏後二大甕以置投文簡滿即焚

之衢相業普亦顯固云慎無稽得無失從善守

舊

諭德諭以德顧名當思義所繫在宗社詎

必工文字子明信良規士遜能觸類

論字

報

罷讀論語普沆先後同可謂識大體更張非所

工水旱日疏陳太初尤醇忠

常讀論語

避驄權幸

凜知蜀琴鶴友每夜露香告得曾同者否不可

對人言。君實未嘗有。

焚香告天。

孝先鈐錄古弱侯

此津逮納忠如一轍。詎在丹青綴。可以鑑千秋。

躬行慎自勵。

借事納忠。

右戊寅夏所作題養正圖

詩六十首。茲山莊待獮秋。閑幾閒重書成冊。亦

三復白圭之意耳。丙午閏七月御識。以上第二

冊。每幅分鈐寶。乾隆天地為師。即事多所欣。寫

心。人情為田。含味經籍。松竹一庭道心。愛竹學

心虛。莊敬日彊。化工四氣為全。施吟咏春風裏。

如水如鏡。筆花春雨。研露落花滿地。皆文章意。
在筆先。烟雲舒卷。几席有餘香。留畬經訓。中和
秀色。入函虛學鏡。千古繪月有色。水有聲。見天
心。含英咀華。叢雲用筆。在心取益。在廣求。月明
滿地。相思水月兩澈。明衆花勝處。松千尺。讀書
依竹靜。落紙雲烟。潑墨大塊。假我以文章。成性
存存。扇以淳風。靜中觀造化。半榻琴書。浴德漱
芳潤。垂露筆端。造化日監在茲。保泰體仁。齊物

游六藝圃。樂意寓靜觀。墨雲寓意于物。如水月
在手。正有同春妙意。寓清快。幾暇臨池觀書。為
樂。陶治賴詩篇。得象外意。乾隆宸翰。絮矩追琢
其車。古稀天子之寶。猶日孜孜。

鑑藏寶璽石渠寶笈所藏

御筆大宛馬歌並識 一卷

本幅宣德箋本縱九寸橫四尺七寸三分行
書

今之哈薩昔大宛嶠山神種古所傳烏孫中閼
阻聲教懷為己有曾貢閑不仁之守再世斬伊
犁萬里拓幅員哈薩布魯胥向化無他為賚教
敬虔駸裏汗血寶方物左右部長及可汗遣其
首領遠來獻却之失望厚賚還駸駸駢駢類寶

彩匍匐牽跪陳墀前為龍為駉各天矯雄姿逸
態英且閒流珠散玉誰則見奔霄追電有必然
往者貳師求善種徒勞數萬惡少年致一二耳
猶豔詡奚稱歸德開遠門關疆勤遠非本意人
歸天與寧可捐人歸天與寧可捐作歌自警示
後昆 右己卯作大宛馬歌 歲乙亥準噶爾
平越明年左右部哈薩克以次內附又明年使
臣入覲隨獵有詩紀事並加按定哈薩克為漢

之康居又越二年哈薩克來貢馬因成是歌仍
謂之大宛者以自古相傳大宛產善馬也夫西
域諸國何地不產馬而大宛獨擅其名漢時人
足未履其地僅聞其名阻閼習昧遂以為大宛
所獨耳不寧惟是即我朝西極未定之前準噶
爾所貢馬率謂之大宛向按大宛部落彊盛附
庸者多哈薩克當是其部中之一國非臆說也
史記載康居南羈事月氏東羈事匈奴則康居

固他人之屬國耳張騫使月氏為匈奴所聞及
已抵大宛而大宛遂能為發導驛抵康居是康
居本聽大宛役屬也唐書載石國故康居小王
窳匿城地漢書所謂康居小五王之一而唐顯
慶中以為大宛都督府亦其一証故哈薩克以
漢語言之則為康居自其服屬言之則原大宛
近三十年来軍吏塗經貢使踵接汗血之馬服
早獨樹之蹟寄題非如前代鑿空者比此歌與

丁丑按語。固相印合。不得以異同致疑矣。幾暇
重書是卷。因識之。乾隆丙午嘉平御筆鈐寶
三。靜中觀造化。古稀天子之寶。猶日孜孜。

引首

御筆 呈材括地 鈐寶一古希天子

鑑藏寶璽。日監在茲。典學勤政。石渠寶笈所藏。

御筆伊尹周公諸葛亮論 一卷

本幅蠟箋本。縱一尺一寸。橫二尺九寸。行書。
伊尹周公諸葛亮論。輔少主而能格其非終。
成令辟者。伊周尚矣。諸葛亮有伊周之能而未
成其志。斯可哀焉。是以叙而論之。夫千古之
君孰非受。

天之祿者哉。然錫祿在。

天而能否承之。則在為君之人。不惟其人之身尚視。

其祖宗之所以基命宥密治保邦之深淺有以荷鴻庥而垂永祚如太甲成王是矣太甲云湯弗遠成王去文武亦弗遠成湯文武之澤未斬也是以伊尹幽王復辟克終厥德然孟子已云有伊尹之志則可無伊尹之志則篡矣若夫成王之過未如太甲三叔流言起自近親周公天子之叔衆所仰望若如伊尹營宮之事則天下歸心成王不得為王矣周公豈肯出此亦惟

有避之而已。不忍為伊尹之為也。孟子所云周公之不有天下。猶益之於夏。伊尹之於殷。蓋求其說而不得。強為之辭。並伊尹之志亦失之矣。終以雷電示警。親迎公歸。稱守成之令主者。首數成王。非周公之德。有以感天而格王乎。且成康之後。今何在焉。而元聖之祀千載東魯。其百倍之勝於有天下者。為何若。予獨惜夫諸葛亮之有伊周之能。而未成其志。遇劉禪之昏。足以

亡漢則亦有說焉。蓋光武明章之德不及成湯
文武遠矣。不惟五世而斬。而又加之以桓靈之
殄德。

天之厭漢久矣。諸葛亮一人其能挽漢已隕之運哉。
且其時外有強隣。自救之不暇。使亮為伊尹之
事。蜀中先自亂。安能尚存乎。予讀出師二表。實
矜亮之心。且憐亮之不能為伊尹之事。而終於
責為人君者當識。

天難謫命靡常。兢兢業業以永保其祖宗之基。或庶
幾乎。乾隆丁未。新正月。御筆鈐寶二。古稀天
子之寶。猶日孜孜。

引首

御筆。衷時尚論。鈐寶一。古希天子
鑑藏寶璽。石渠寶笈所藏。

御筆書光武大破莽兵於昆陽事一卷

本幅蠟箋本。縱一尺一寸。橫二尺八寸七分。

行書

書光武大破莽兵於昆陽事 古今鴻戰以少勝

衆。遂以定天下之基者有三。黃帝誅蚩尤於涿鹿。尚矣。邃古荒畧。莫可悉紀。我

太祖殲明師四十萬於薩爾湖。別有著論。其一則光武大破莽兵於昆陽也。獨范曄所記欲張大其

事反有未達事理者是以叙而明之 夫莽兵四十餘萬號百萬是誠勁敵也諸將逡巡無定志光武為之圖畫成敗以十三騎出城召兵自將步騎千餘犇敵此其神武勇畧為何若既又率敢死者三千人衝其中堅誅王尋遂以大潰敵兵追奔百餘里解昆陽之圍海內響應而漢家之業遂大定然光武所以能如此者亦惟求是於

天立志不移。用能見大敵。以賈勇。合衆志。以成城耳。而晁未言及此也。乃稱莽軍驅諸猛獸虎豹犀象以助威。此語則失之不經矣。蓋自益烈山澤。犀象非中國所有。雖有虎豹。其去人亦遠。終不可如牛馬之類。畜而馴之。驅而使之戰也。晁蓋誤謂黃帝教陳熊羆貔貅為勇銳士之號。而遂以為實有其事耳。路史之注。率已明之。或曰。田單之用火牛。非此類乎。曰。以田單之火牛。益足

證虎豹之烏有。蓋牛六畜之一。束兵於角。束葦於尾。可聽人爲之穴。城出牛。燃尾使奔。牛必向前奔而敵駭。此事之所有也。虎豹野獸也。桺而畜之。或可其能如牛之聽人。束首束尾乎。一出桺必亂奔。橫跳或且噬。啟桺之人而已。聲軍先自亂。其尚能威懾前敵乎。予故笑范曄之不達事理而猶效司馬遷之怪誕。紀事嗚呼。作史可易言哉。乾隆丁未新正月御筆鈐寶二古稀。

天子之寶。猶日孜孜。

引首

御筆 閣誣彰武 鈐寶一古希天子

鑑藏寶璽石渠寶笈所藏

御筆題明世子朱載堉琴譜並并題樂律全書詩

一卷

本幅蠟箋本。縱一尺一寸橫五尺八寸八分
行書

題明世子朱載堉琴譜 憶昔於香山曾聽唐
侃琴穆如餘古風謂勝箏琶音其後定韶樂

皇祖書沿尋乃悟古在茲一字一絃吟
唐侃內府旗人曾出兵受

傷善彈琴任副都統後年老乞休居香山乾隆
辛酉年曾聽伊彈琴普節抑揚謂即古樂屢有

詩嘉之及後釐定中和韶樂細絳皇祖欽
定律呂正義考訂精密一字一彈乃知古樂琴

聲均屬一絃一字非如侃虞書律和聲何有場
所彈世俗之繁音促節也

與沉五聲六律而總不外一字一彈若一字數
虞書依永和聲雖有清濁長短之節合之

彈則有抑揚往復以圖悅聽茲翻載堦譜亦可
之為是俗工曲調非古樂矣

謂用心指法雖闢俗十六煩弗禁也甚至譜茫

讀作七世俗琴譜所載指法右手有二十四勢
左手有二十九勢合數字減筆為一字其上半

記左手指法及徽數其下半記右手散彈左手不換
數如曰廿取散字起筆謂右手散彈左手不換

徽也曰七謂七絃也曰乙取挑字一七謂右手
食指挑絃也字與中實無此等字可知非古矣

鸞

按讀作三。如曰大謂左手大指也。曰九謂大指

絃也。曰三謂三絃也。今載靖亦用此指法。何異俗譜所載乎。幾不隣哇淫古

人幼而學操縵胥所任授此譜以習安能喻林

林

操縵也。若如俗譜所為必久工斯技方可豈人

人所操縵在所擯四字

謂正應

長何堪

載叶

譜所載閨帷等五十三勢。然一絃不用俗譜吟操縵

和中已有柳楊高下不免煩手之議。且於琴尚可

今配以金石之者。載靖之意亦欲復古不知

古人之律。原有清濁長短之節。然亦祇于一句
數字之內。分抑揚高下。不得于一字一音之內。
復有抑揚高下。轉致趨于繁縟。徒為悅耳之具。
而于詩歌字義。究不能晰。則古人之所謂感人心
而天下和平者。又安在哉。是載靖之韶樂用正
譜。欲避俗而仍不免于引古入俗也。韶樂用正
聲。應和同弗侵。聲。今中和韶樂。一字一彈。祇用正
聲。迥異俗樂之一字數彈。即朱載堉琴譜之十六
彈。亦未可同日語。而所謂應和同者。實亦後人
所闡增者。豈宜引今合古。戒混古禠。今琴較
虞書所有哉。琴古。然非古琴。謾韓蘇大手筆。可曾此酌斟。
按昌黎東坡二人。實博古大雅士也。其聽穎師

賢師之琴胥可謂極力摹寫然亦何嘗不可用
於箏瑟之類則與白居易之琵琶行無大殊也
穎師賢師不究其禪律而習琴焉不可謂務本
而其所彈想亦俗調韓蘇未嘗聞之且一絃一
音與一絃數音並未明論其與古合否也以致
西清詩話及彥周詩話辨論弗已入者主之出
者奴之予以為愈去愈遠而總亦未曾指出韓
蘇之實未臻處也予翻悔向之以唐侃俗調為

古樂而今方知一字一音之為古樂無取籀音
悅聽較箏琶略清之俗調琴也夫學問之道無
窮止之日設非今之細心審訂即以昔之俗調
琴為古樂矣推之萬理萬事孰不如是余是以
老而益勤于學耳

再題朱載堉樂律全書

琴譜踏知古樂非

前見

題載堉
琴譜詩

全書更與辨淵微欲求廣博失精覈

聖制由來總範圍

載堉所著樂律全書于定律宮音
之道不能會通原委誤解古書師

心臆說。是以律呂襍用清濁不分其踏款不可
枚舉。茲命皇六子與館臣等欽遵 皇祖御

定律呂正義詳加核覈逐一指駁訂正並仰見
聖製精微理明數備為千古不易之準而

載堦之謬亦 一覽瞭然矣 譜書工尺漏宮商數典徒今意

渺茫祇備一家言或可束之高閣正相當載堦

有工尺而漏宮商則 是其混古襍今也 小令由來格已卑庶民

那得強上填詞 載堦譜中有立我庶民章思文
后稷章以豆葉黃金字經曲牌

分譜夫取古歌頌配以時曲小令是援莊雅而
入于里俗矣即此一端可該全部其錯雜舛謬

不足與言樂。一端已足該全部不可與言樂可
不待深辨耳

知 乾隆丁未仲春御筆鈐寶三學鏡千古古
稀天子之寶。

引首

御筆 道古聽真 鈐寶一古希天子之寶。

鑑藏寶璽寫心正有同春石渠寶笈所藏

御筆卞和獻璞說一卷

本幅蠟箋本縱一尺一寸四分橫二尺九寸

四分行書

卞和獻璞說 或問卞和獻璞之事為有乎為
無乎曰無何以見之曰以今和闐之玉見之和
闐之玉有二一曰山玉取之山一曰水玉取之
水取之山者其質大或至八九尺然間雜石性
者有之取之水者其質小至大者不過尺餘光

瑩弗雜石性蓋受水性潤故也故恒以水玉為
良此歷年貢自和闐人所共知者若和氏所獻
應為良玉必出自水者既無雜石性之理安用
玉人相之以為非玉兩被刖繼之哭以血而始
明其為良玉哉此之誤必在璞之說矣蓋玉未
治為璞見玉篇或山玉之雜石性者而決非良玉
之產水中者也亦決非璞包玉不見必待剖而
後知其為玉也若玉皆有璞包之必待剖而後

得則今和闐之玉多無萬誰為一一剖之乎。此
不待辨而知玉之不在璞中必待識者剖之而
後得也。且卞和之目亦與人同耳。玉人攻玉久
矣。豈不能識玉而和識之。即以為誑其罪亦不
至一再刖足也。夫以雜石性未治之璞去其石
性。理而為璧。亦恒事耳。奚至豔稱千古乎。蓋韓
非自嘆己之不遇時人之不識己。設為此謬悠
之說以自喻耳。然非非不明敏達時務者。觀其

說難之文反覆論辨曲盡人情既達時務盡人情則應薄世高蹈以全其真又何必為此謬悠之喻以惑後世乎余故曰無此事也 乾隆丁未孟秋御筆鈐寶三古稀天子之寶猶日孜孜觀書為樂

引首

御筆 懷珍闢謬 鈐寶一古希天子

鑒藏寶璽石渠寶笈所藏

御筆遣悶十韻 一卷

本幅蠟箋本縱一尺一寸橫五尺七寸行書

遣悶十韻 仕簡黃承恩任兩提督一南一北

互盤旋

上年十一月賊匪林典文等肆逆黃仕簡任承恩過臺灣勦捕意謂么麼小醜

不難立時擒獲不意黃仕簡任承恩二人與之一南一北互相觀望遷延數月殊深憤懣

暇乃賊生計乏出奇因軍久懸黃仕簡任承恩

激勵將士出奇制勝轉與賊以暇俾得從容生計抗拒官兵曠日持久未即殲功以致

鳳山得而失

鳳山于二月廿一日已經收復後賊匪復來侵擾而總兵郝壯猷

怯無能敗回郡城兵丁潰散黃徒稱鹿港守之

仕簡安坐郡城此南路之誤也

專任承恩在北路即應整頓兵力自北而南會同黃仕簡設法擒捕賊首乃株守鹿仔港藉辭堵禦此北路之誤也

延賊首未得即時就擒遂致黨匪得以肆出侵掠迫脅良民于是大肚社二林社蘇豆社大

武壠社笨港鹽水港竹仔港東港等處賊勢蔓延南北通衢俱為梗塞

示明勅者功爰更易英賢行軍之道貴于賞罰嚴明黃仕簡任承恩

還延悞事因令等問解京治罪郝壯猷敗逃回郡亦即于軍前正法明罰勅法不得不爾又幸

予燭于幾先于新正即調李侍堯為閩浙總督馳往辦理軍儲特授常青為將軍恒瑞藍元淑

為參贊飛渡臺灣督請兵莫不速簡往常青于

率增兵相機進剿

九日抵臺灣。目擊賊匪猖獗勢洶厚集兵力節次奏請派調官兵隨令先後陳調廣東浙江福建駐防滿兵共四千名綠旗兵共一萬四千名不但如數調往。且于所請之外復添調漳州兵二千名廣東兵一千名分往常青藍元枚二處以冀尅期奏凱。綏靖海疆。蓋責人以勦賊成功而不與之兵。朕豈為之但遠隔底績。惟期奏凱重洋。恐調遣畧緩為之焦急。底績惟期奏凱

還西禦東防非上策掄精選銳在礮堅

常青至臺灣後

意欲廓清南路。擊獲賊目莊大田。再往北路會勦林爽文。乃賊計狡黠。見大兵俱在府城。諸羅軍弱。故作窺伺。府城以牽綴官兵。實欲攻逼諸羅。而常青等西禦東防。亦非善策。因屢次申論。

常青酌留將備兵丁堅守郡城克當簡率精銳
直趨北路沿途勦殺打通斗六門一帶與紫大
紀聚會其鹿仔港止令普吉保固守藍元枚帶
兵亦自北而南與常青等合兵一處則兵力既
厚軍聲益壯直攻大里杙為擒渠搗穴之計迨
林爽文一經拿獲其餘賊黨無難立時殲滅矣
軍機曉夜重籌畫驛驢海山遙望牽予因臺灣之東已經

半載雖常青等屢得勝仗殺獲賊匪而大局尚
未克定為之宵旰籌畫盼得捷音惟海道遙遠
軍報不能速達未
免時切縫念耳
要以安民蠲賦普臺灣自逆匪滋事後

閭閻未免避賊遷徙有悞農功早于二月內即
降旨將臺灣府四屬本年應徵地丁錢糧普行
蠲免用示
仍虞貴羅運糧連臺灣素稱產米之區障泉各府向資
軫恤矣

接濟今年賊匪肆擾轉藉內地運送軍糧因念
閩省必有貴糴之虞節次降旨令江南浙江江
西四川運米九十餘萬石並據舒常姜晟等辦
湖北米十萬石陸續運送至閩俾民食益臻充
裕糧價不任人予誤將誰諉紀實聊成遣悶篇
故增昂

乾隆丁未孟秋月中泮御筆鈐寶二古稀天
子之寶猶日孜孜

引首

御筆 籌策抒懷 鈐寶一古希天子

鑑藏寶璽正有同春半榻琴書石渠寶笈所藏

御筆王禹偁待漏院記題詞一卷

本幅粉箋本縱一尺七分橫二尺七寸五分
行書

王禹偁待漏院記題辭 待漏院記理正言明
膾炙千古無可雌黃然彼在臣言臣知一而未
知二故題之辭 記中歷箴相臣賢者一邪者
一庸者一列為三等亦既彰往者規將來可以
為執政者之龜鑑矣但所謂一國之政萬人之

命懸于宰相則吾不能無疑焉夫此三等之人豈能自用用之者君也若為君者不能自用其臣而或資于人焉則賢者不成其為賢邪者益肆其為邪而庸者且將自喜其為庸矣是則一國之政萬人之命不懸于宰相而懸于為君者明矣然而識此三等之人豈易易乎必存于心者克己而復禮接于物者大公而至明苟不如斯三等之人紛陳于前而無所主張去取天下

之政將日壞而不可收拾。非相臣之罪。乃為君者之罪也。禹偁所云。君逸於上。臣勞於下。當與王褒所云。為人君者。勤於求賢而逸。付人之語。並觀之。然亦終無可逸之時。則其義見于周公無逸之篇。茲故申繹其旨而題之辭。以戒後之為君者。且以自戒也。乾隆丁未九秋御筆鈐寶二。古稀天子之寶。猶日孜孜。

引首

御筆。握原挈要。鈐寶。一古希天子。

鑑藏寶璽。石渠寶笈所藏。

御筆諸羅圍解一卷

本幅蠟箋本縱一尺一寸橫五尺六寸三分
行書

諸羅圍解。大紀業復諸羅乃在春之首前諸羅

賊匪林典文糾眾搶佔經業大紀帶兵攻擊於
正月二十二日由田洋進兵賊人閉城堅拒邱
能成奮勇先登攻開城門我兵乘勢追趕入城
賊人由北門而逸業大紀入城安撫賊勢少却
侵尋未掃穴翻被圍之久互相觀望不能督兵
奮勦于是賊眾復合繼而常青等渡海之後奏
請增調官兵亦未能決策制勝以致業大紀被

圍數月。皆數人。因督飭速解救降。自頻煩有大

循貽誤之咎也。斌魏率兵往。半被賊所取。惺。大紀素為賊所畏。

力環攻諸羅。頻經降旨催飭。常青等統率大兵。直趨北路救援。乃常青祇令總兵魏大斌帶兵。

一千五百名往救。中途接戰。不利。所嘉柴大紀。轉傷官兵一千餘名。實堪憤懣。

勇而謀更富。叶能聯軍。民情同心。為固守。壯士。

奮戰鬪。義民資糧糗。以此佈大恩。預免明年賦。

叶。柴大紀勇而有謀。當賊匪攻犯縣城。並扛。糧枋車圍攻西北兩門。柴大紀督同官兵義民。

奮力勦殺。設法堵禦。用砲擊碎枋車數座。打死。賊人數百。賊胎。屢散。迨後賊匪屢次圍攻。柴大。

紀悉力捍禦得保無虞其時親大斌所帶火藥銀糧被賊攔截不能前進城內紳耆舖民挑送飯米凉水以給軍營又有牌腹村義民亦運糧接濟該義民等踴躍急公均屬可嘉春間業經降旨將臺灣全郡本年錢糧蠲免因再將五十年分應徵錢糧預行豁免以示優獎茲

因蔡攀龍勦進敗羣醜進而復出攻梗路資通

透叶不似魏大斌入城增食口常青聞魏大斌失利之信復遣

總兵蔡攀龍帶兵一千六百名由鹽水港往援茲接李侍堯奏據署臺灣府知府楊廷理稟報

八月十七日蔡攀龍等到鹽水港于十九日領兵前進副將貴林遊擊楊起麟邱能成為頭隊

蔡攀龍將孫全謀為二隊蔡攀龍等於二十二日復應入城軍威大振而蔡攀龍等於二十二日復

自諸羅打出以通道路實屬奮勇可嘉較之魏
大斌既損折官兵大半所餘數百名兵入城一
無所為不惟無濟諸羅而諸羅反笑諸羅之圍解
得食口其功過正自昭如黑白矣諸羅之圍解

焦愁釋心紐賞罰示勸懲惟公明以剖重臣將

至彼百將掄雄赴

此次諸羅解圍在事出力諸人榮大紀捍禦有方謀畧素

著蔡攀龍帶兵援應最為奮勇伊二人已擢用
提督賞戴花翎特加賜玉韞佩囊用示恩眷其

副將貴林即擢用絕兵參將孫全謀即擢用副
將遊擊楊起麟邱成能俱擢用參將並賞戴花

翎一體恩賚至魏大斌畏怯無能即立予罷斥
仍今在軍營効力贖罪如此當罰公明將士等

自必倍加感激奮勵現在令將軍福康安參贊
海蘭察帶領已圍魯特衛庫京百餘人馳往酣

江飛渡至鹿仔港。相機直搗賊巢。今諸羅之圍
已解。先兆已佳。即日福康安到彼。統領大兵奮
勦。自當勢如破竹。先兆已報佳。大功成在後。佇
佇盼捷音。馳到耳。

待縛二兇。露布星飛走。乾隆丁未季秋月中
泮御筆鈐寶二。古稀天子之寶。猶日孜孜。

引首

御筆。推冠先聲。鈐寶一。古希天子。

金藏寶壘。叢雲典學。勤政石渠寶笈所藏。

御筆水師提督柴大紀奏固守諸羅信至即加恩
封為一等義勇伯詩以誌勸

本幅蠟牋本縱一尺一寸橫五尺七寸八分
行書

水師提督柴大紀奏固守諸羅信至即加恩封
為一等義勇伯詩以誌勸 正月諸羅克復纔

結營牆築更溝開

柴大紀于正月克復諸羅之時即相度形勢分兵劄營于

縣城四門外要害之處迨六月杪賊勢猖獗遂
環營開溝並堆築短橋安設大砲二十八尊以

為禦賊之計。營盤甚屬堅固。是以賊眾叠次攻犯。俱為官兵所敗。旋聞夏杪賊

猖獗。竟敢城攻。恣擊。遂以少勝多。策真壯。聯孤

為眾志。猶恢。糾眾萬餘。不分晝夜。接連來犯。營

盤。并將八獎溪。用土石壅塞。決水泛溢。以阻援

兵來路。又用大板木車。中藏鎗砲。挽以四牛。分

路衝突。俱為眾大紀設法抵禦。碎木車。殺死賊匪。溪

之土。放水順流。並用大砲擊碎。木車。殺死賊匪。宣

無竿。皆由眾大紀調度。有方。聯絡義民之心。故

能眾志成城。以少勝多。屹然不動。如此為國宣

勞。實為難得。每于披閱。未嘗不嘉獎之意。真不可名言也。義民勇士。感誠篤

禦壘。輸糧弗懈。顏。眾大紀激勵將士。義民人皆

感激。思奮當諸羅被圍日久。

軍糧漸乏。而魏大斌所帶火藥銀糧復被賊擄。截不能前進。城內外紳耆舖民。餽送飯米涼水。接濟軍營。歷久弗懈。甚為嘉軫。有旨相機計求別。直陳固守志。毋迴。前因賊眾窺伺。諸羅百計攻擾。而常青先激于忠憤。堅守與城存亡之義。固守弗出。則反失一賢臣。是以降旨令其酌量情形。如力有難支。不妨率領官兵整隊而出。並慮義民受賊戕害。于心有所弗忍。諭令設法捍衛。出城再圖進取。乃崇大紀接奉此旨。覆奏縣城一切守禦。久經佈置周密。且城內數萬生靈。不忍棄賊毒手。立意堅守。以待救援。與予軫念義民。多方愛護之意。適相脗合。批覽之下。為之墮淚。似此忍飢固守。心志並堅。惟知以國事民析骸為爨。雖未生為重。雖古之名將。何以加之。民析骸為爨。雖未

至望眼已穿待援聲來督飭進兵莫遲耳優頒

加爵實宜哉

據紫大紀奏諸羅情形兵民皆以花生地瓜野菜充飢尚能忍餓者

殺賊匪紫大紀疊次移文將軍常青轉催恒瑞普吉保迅速救援而二人以鹽水港笨港地方

緊要且虞後路無繼不可輕離為辭未念紫大紀待援甚急不可少緩因即馳諭普吉保令其

速統大兵往救接濟糧餉鉛藥以保無虞紫大紀力捍危城忠肝義膽發於至性其在臺灣勤

殺賊匪勞績最著即此守城一節堅志不移尤為難得應加恩封一等義勇伯世襲罔替並賞

銀一萬兩俟大功告竣後再行優加封賞所有諸羅義民負弁官兵激發忠義同心固守實堪

嘉獎昨已降旨將縣名改為嘉義再將五十四年閩縣地丁錢糧全行蠲免並令查明出力員

并咨部優叙其隨營兵丁賞給兩月錢糧以示
獎勵。現在福康安迅抵鹿仔港。兵威壯盛。士氣
百倍。自當即日破賊。解圍擒斬。首逆林興
文等。共奏膚功。以靖海疆。而安黎庶耳。重臣
勦旅。茲將到。翦寇書勲。凱宴陪。乾隆丁未長
至日。上澣。御筆。鈐寶。二古稀天子之寶。猶日孜
孜。

引首

御筆 嘉勞勵勇 鈐寶 一古希天子

後幅 臣工恭跋

乾隆五十一年十一月臺灣逆匪林爽文作亂攻陷彰化諸羅二縣南路賊目莊大田應之絕兵柴大紀禦賊于鹽埕橋轉戰甚力次年三月收復諸羅縣繼而賊大至圍之數月糧幾絕將軍常青分兵救之圍未解

上嘉

其固守摧大紀提督且慮其力弗支

密

勅相機全師而出再圖克復勿泥城存與存之

上得

奏並感動至為揮涕立封大紀為一等義勇

伯

製詩

嘉獎並

御書

長卷以賜迨九月臣福康安率師渡海既解

諸羅之圍始聞大紀弗哭圍出乃城中義民固止之非大紀意又所陳困憊狀多不實密

上心

陳之大紀前勞

申諭臣福康安者。至于丹三。是年十二月。侍郎德成自浙江查勘海塘復

命大紀浙人也。因垂詢馬則以所聞貪黷延玩。賞不厭望。對乃

勅下琅玕奏所聞與德成合。且訊其家屬。自調鎮

臺灣寄銀累萬。賊穢有迹。李侍堯復勘其巡查彰化時。即聞賊匪滋事。萌孽託辭回郡。比

聞官戕城陷。又未即整兵前進。文官謂讓而後行。及其他奸利事甚悉。五十年正月。奉

旨。褫職。逮問。時雨逆渠已就擒。命臣福康安竟其獄。則益得其廢弛貪縱。逗撓欺

詔逮至。飾狀下大學士九卿論如律

行在。命臣等復訊之。先是侍郎德成發大紀罪。旋奉使

臺灣勘估城工無讞獄責大紀既辭窮乃誣引德成在郡日鍛鍊兵民以實其言莫有應

上惡其狡詐乃出自解而訊無左驗獄詞上

諭旨俾卒讀大紀始伏地叩頭涕汗如雨和坤臣廷訊款服遂伏誅自崇大紀受封以來臣

帷帷王杰臣福康安更身歷行間皆親見其始末

青令紀自奏力戰鹽埕橋與被圍援絕得便衝出而效死弗去雖古名將何以加之

皇上宜我為之感動垂淚

賜爵賚金至於製詩褒美

親灑宸翰而眷猶未已也迨其欺詐漸敗而我皇上猶無聽並觀始覺其所言多不實

詢問

所及莫敢匿情前後罪狀因盡發露是則始之封之獎之所謂君子可欺以其方也既而

戮其事于内外大臣之言定其獄于浙閩兵民之口豈非國人皆曰可殺然後察之見可

皇上

殺焉然後殺之者乎我臨御五十三年賞功罰罪從不預設成心惟

視其人之自取而應死者有一綫可生之路必為之縈迴惻隱而未忍即誅焉方大紀初

山莊獄已弗疑

上意

猶憫其戰守微勞將緩其死乃復以抵節誣陷自速惡辜並仰見

皇上

大德同天而人罔上不忠匪獨公論所不容鬼神亦必陰祐其魄也是卷蓋所

賜

懋勤者與
榮大紀卷並

命臣等紀其崖畧于後乾隆五十三年七月臣和
珅臣王杰臣福康安臣董誥恭識
鈐印二臣董誥印載筆

鑒藏寶璽凡有同春用筆在心石渠寶笈所藏

御筆福康安奏報攻克大里杙賊巢詩以誌事一

卷

本幅蠟箋本縱一尺一寸橫三尺行書

福康安奏報攻克大里杙賊巢詩以誌事 斗

六門既取直前抵賊巢躍溪飛馬渡掃穴短兵

交

福康安等奏官兵于十一月廿一日攻克斗六門之後次日即撤調埔心二林舊存之兵

移駐水沙連山口隨向大里杙進發因大里杙

東倚大山南繞溪河水勢甚深福康安等馳馬先渡賊匪棄官兵尚未到齊自城內擁出萬餘人三面圍襄捨命前撲巴圖魯等鎗箭如雨四

川屯練及廣東廣西兵丁亦即爭先涉水攪殺
一處斃賊甚多。天色昏暮于溪邊整齊行隊以
待。移時果有賊匪潛來攻擾。官兵屹立不動。鎗
砲大震。賊匪旋即敗走。逾刻又沿溪來撲。如此
往返五六次。至丑刻。攻援愈力。隨用短兵相接。
殺死賊目賊匪數百人。計自日暮至黎明。官兵
力戰一夜。痛殲賊背壘。犯雄陣。乘宵揮遁。鞘五
衆無竿。實屬可嘉。賊背壘。犯雄陣。乘宵揮遁。鞘五
日。外刻。福康安。派兵一面與賊接陣。一面率同
巴圖魯。侍衛等。分路攻入賊巢。殺死賊目十餘。
名賊衆二百餘名。生擒賊劉懷清。林茂。嚴。訊林
與文。下落。據供。林與文。見官兵壯盛。不能抵敵。
遂于夜間。帶同眷屬。遁入大山。隨即分派官兵
入山搜捕。并諭令番社一體擒拏。是此時林與
文亦不過苟延殘喘。斷不至為稽誅漏網。惟渠魁
盼望擒獲。逆首。日內信至。甚為急切耳。

猶待獲盼切捷旌捐 乾隆丁未嘉平御筆鈐
寶二古稀天子之寶猶日孜孜

引首

御筆 先春吉報 鈐寶一古希天子

鑒藏寶璽石渠寶笈所藏

御筆勦滅臺灣逆賊生擒林爽文紀事語 一卷

本幅蠟箋本縱一尺一寸五分橫八尺三寸
行書

勦滅臺灣逆賊生擒林爽文紀事語 平伊犁
定回部收金川是三事皆闕大政各有端文勒
太學誅王倫翦蘇四十三洗田五是三事雖屬
武功然以內地懷慙弗薌其說至於今之勦滅
臺灣逆賊生擒林爽文則有不得不詳紀顛末

以示後人者向之三子惟深感

天恩蒙厚貺次之三子實資衆臣之力得有所成若
茲臺灣逆賊之煽亂乃卒然而起兵出於不得
已而又不料其成功若是之易也蓋自康熙二
十二年平定臺灣之後歷雍正逮今乾隆戊申
百餘年之間率鮮卅歲寧靜無事而其甚者惟
朱一貴及茲林爽文朱一貴已據府城僭年號
林爽文雖未據府城然亦僭年號矣朱一貴雖

據府城藍廷珍率兵七日復之。不一年遂平定全郡。林爽文雖未據府城，亦將一年始獲首渠。平定全郡，則以領兵之人有賢否之殊，故曰事在人為，不可不慎也。林爽文始事之際，一總兵率千餘兵滅之而有餘。及其蔓延猖獗，全郡騷動，不得不發勁兵，命重臣則予遲速論所云未能速而失於遲，予之過也。然而果遲乎？則何以成功。蓋遲在任事之外臣，而速在籌策之予心。

故始雖遲而終能成以速。非誇言也。蓋紀其實而已。若黃仕簡任承恩初遲矣。而予於去年正月即命李侍堯速往代。常青為總督辦軍儲。常青往代黃仕簡。藍元枚往代任承恩。司勦賊之事。而郡城與仕簡弗致失於賊手。是幸也是未

遲也。

黃仕簡任承恩既至臺灣。南北互相觀望。兩月餘。遂至與賊以暇。日以滋蔓。幸予於

正月初旬。值李侍堯入覲。即命往代。常青為總督。而命常青代黃仕簡。又隨命藍元枚代任承恩。是以郝壯猷于三月初八日。自海山棄城敗歸。立即置之于法。常青適于初九日到。即於

兵威屢挫賊鋒郡城得以無失使常青不即到則郡城必失守仕間或被賊獲時未可知是始雖遲而實既而常青祇能守郡城藍元枚忽以未為遲也病亡是又遲矣而

天啟予衷於六月即自甘省召福康安來熱河授之

方略八月初即命福康安海蘭察率百巴圖魯

及各省精兵近萬往救諸羅是又未遲也常青雖周

守郡城未能親統大兵往救諸羅藍元枚正籌

會勦旋以病亡又幸予于六月內早令福康安

來觀熱河

即命于

八月

初二日

同海

蘭察

率巴

圖魯

侍衛

章京

百餘

人

馳赴

閩省

並預

調川

湖

黔粵精兵近萬人。分路赴閩。維時諸羅被圍日久。糧餉火藥道梗。不能運送。若非天啟予衷。及早命重臣統勁旅前往。與至緩不濟事。是常青等救諸羅雖遲。而予所辦亦未為遲也。

福康安等至大擔門。開舟阻風。風畧定而啟行。又以風遮至崇武澳。不能進。是又遲矣。然而候風之際。後調之兵畢至。風平浪靜。一日千里。齊至鹿仔港。是仍未遲也。

福康安到廈門於十月十一日。自大擔門開船。被風打回。十四日得風駛行半日。又以風轉遮至崇武澳。停泊。似覺遲滯。然當此候風之際。四川屯練二千。廣西兵三千。俱至。而風亦適利。遂于二十八日申時放洋。至二十九日申時。兵船

齊抵鹿仔港千里洋面一帆直達其餘之兵亦
陸續配渡福康安率此生力之兵旬日內頓解
諸羅之圍繼克賊巢生擒逆首是未渡夫遲之
以前若遲而計其成功又未可謂遲也

在人而

天地神明護佑每以遲而成速視若危而獲安有如
昔年開感論所云者予何修而得此於

天地神明之錫祉哉如是而不益深敬畏勤政愛民
明慎用兵則予為無良心者矣予何敢抑又何
忍乎夫用兵豈易言哉必也凜

天命屏已私見先機懷永圖方寸之間日日如在三
軍前而又戒掣肘念衆勞且予老矣老而精神
尚健不肯圖逸以遺難於子孫臣庶藉以屢成
大勲此非

天地神明之佑乎亦豈非弗失良心得蒙

天鑒乎福康安等解圍殲賊以及生擒賊渠諸功績
已見聯句之詩之序茲不贅言獨申予之不得
已用武又深懼用武之意如是以戒後世占驗

家以正月朔旦值剝蝕為兵戈之象遠者固莫

考自漢至明屢逢其事然亦有驗有弗驗元旦食

自漢迄明有四十七其本係政治廢弛及僭竊偽朝無論已如唐之太宗宣宗元旦日食其年

俱寧靖無事至宋仁宗四十餘年之中元旦日食者四歲後嘉祐四年亦無事此其弗驗者也

惟寶元元年元昊反康定元年元昊寇延州皇佑元年廣源州蠻懷智高寇邕州又元代世祖

至元二十九年元旦日食是年廣西上思州上官黃聖許結交趾為援寇陷忠州江州及華陽

諸縣此其有驗者也若昨丙午可謂有驗矣以余論之千

歲日至可坐而致剝蝕亦可竿而定也既定矣

其適逢與不逢。原在依稀惝恍之間。且亦乏計。預使之必無也。若使之無。是為詐也。不惟不能避災。或且召災。故史載宋仁宗朝第二次康定元年春正月朔。當日食。司天楊維德請移閏於庚辰歲。則日食在正月之晦。帝曰。閏所以正天時。而授民事。其可曲避乎。不許。夫日食必當在朔。可知古稱月晦日食者。多移閏曲避之術耳。至于不得已而用兵。惟在見幾而作。先事以圖。

遲不失於應幾。速不失於不達。惟敬與明秉公
無私。信賞必罰。用兵之道。其庶幾乎夫。行此數
端。甚不易矣。知不易而慎用兵。又其本乎。凡軍
旅事。必當有方畧之書。書成。即以此語冠首篇。
亦不更為之序矣。乾隆戊申仲春御筆鈐寶
二。古稀天子之寶。猶日孜孜。

引首

御筆 師貞紀慎 鈐寶 一古希天子

鑒藏寶壘寫心用筆在心墨雲已有同春清心抒
妙理。扇以淳風石渠寶笈所藏

御筆福康安奏報生擒莊大田紀事語一卷

本幅蠟牋本縱一尺五寸橫五尺七寸五分
行書

福康安奏報生擒莊大田紀事語 昨生擒林
爽文則勦滅逆賊事可稱歲大端茲生擒莊大
田則肅清臺灣事方稱臻盡善二逆狼狽為奸
得一而不得二餘孽尚存慮其萌芽且彼既聞
首禍被獲則所以謀自全而倖逃生入山固易

追赴海則難捕矣是以先事周防屢申飭諭

莊大

日在南路距海甚近不慮其入山而慮其入海則追捕甚難因屢次降旨令福康安等慎防其入海之路思慮所及隨時預勅茲福康安盡心畫策凡港口可

以入海者無不移舟設卡因聞莊大田帶同匪衆俱在紫城初二日欲往蚊率社經番衆極力抵禦復行退回初五日黎明官軍由楓港發兵越箐穿林遂有賊匪突出拒敵我兵迎擊海蘭察率領巴圖魯侍衛奮勇齊攻殺賊三百餘生

擒一百餘。追至紫城。賊衆愈多。然恐攻撲過急。
莊大田或臨陣被殺。或乘間竄逸。轉不能悉數。
成擒。福康安分兵數隊。以徐合攻自山梁。佈陣
抵海岸。適烏什哈達所率水師得順風。連檣齊
至。沿海進圍。水陸合勦。自辰直至午刻。殺賊二
千餘。羣賊奔潰。投水屍浮海如雁鷺。而獨莊大
田伏匿山溝。以致生擒。是豈人力哉。

天也。二逆以么瞞小民敢興大亂。殺害生靈無慮數

萬使獲一而逃一未為全美斯皆生致闕下正
國法而快人心反側潛消循良樂業福康安海
蘭察等畫謀奮勇不負任使固不待言然非

天佑我師俾獲萬全豈易致此耶更查康熙六十年
四月朱一貴於臺灣起事提督施世驃總兵藍
廷珍於五月由澎湖進兵至六月收復臺灣府
城計閱七日於閏六月始擒獲朱一貴計閱一
月餘至雍正元年四月而餘黨悉勦盡自朱一

貴起事至臺灣全郡平定始末閱兩年。茲林爽
文於五十一年十一月起事。其黃仕簡等前後
悞事。經一年。福康安等於上年十一月由鹿仔
港始進兵。其間解諸羅縣之圍。克斗六門。攻破
大里杙賊巢。至本年正月。獲林爽文計閱四十
二日。繼獲莊大田。計閱三十二日。自林爽文起
事至臺灣全郡平定。始末共閱一年三月。是較
之藍廷珍等成功。更為迅速矣。夫逆賊入內山。

生番非我臣僕。性情不同。語言不通。其遵我軍令與否。未可知也。福康安示之以兵威。使知畏。給之以賞項。使知懷。其經畫周密。賢於施世驃。藍廷珍遠甚。又得海蘭察率百巴圖魯攻堅陷銳。遂得前後生獲二囚。且李侍堯悉心董理軍儲。毋悞行陣。使不以李侍堯易常青之總督。則軍儲必悞。不以福康安易常青之將軍。則成功必遲。茲盡美盡善。以成功于三月之間。則

上天之所以啟佑藐躬。俾以望八之年。而獲三捷之速。則予之所以深感。

昊慈。豈言語之所能形容也哉。自斯以後。所願洗兵韜甲。與民休息。保泰持盈。日慎一日。以待歸政之年。庶不遠矣。雖然。仔肩未卸。必不敢以娛老自怠。所為猶日孜孜。仍初志耳。乾隆戊申季春月。御筆鈐寶。二古稀天子之寶。猶日孜孜。

（引首）

御筆靖氛紀歲 鈐寶一古希天子

鑒藏寶璽寓意于物用筆在心石渠寶笈所藏

御筆賜凱旋將軍福康安叅贊海蘭察等宴即席

成什一卷

本幅蠟箋本縱一尺一寸五分橫五尺八寸

行書

賜凱旋將軍福康安叅贊海蘭察等宴即席成
什 去年此際未登程歲績今朝凱宴迎來往

算仍先一月

福康安于上年八月初旬由山莊奉命前往督勦今以七月底望後

旋來此復命計驅馳真是賴羣英國威海嶠揚
期尚未及一年

惟烈

祖德山莊佑實明迴憶盱宵斯擘畫不徒勞耳慰猶

誠慰中豈不自懷慙何致愚民蹈法甘論武

邊防乃就弛曰文諸吏率為貪臺灣設立總兵道府大員如果

皆能實心整頓奸匪何由匿跡乃武職不以抹

防為事文職專以肥橐居心于是彼此牟利遂

致吏治兵防日以廢弛而逆債輒方悉誠吾過

匪無所顧忌竟至釀成大案伏鎖莫辭信彼堪逆首林爽文等滋事之始總

兵崇大紀始則以回郡調兵為辭繼則遷延不即前往勒賦方以困守諸羅

邀予憐憫及福康安等至彼方悉其債事之由

已令革職拏解治罪彼善後雖云大端定猶餘
實不能巧言置辨也

屢念望東南

福康安于平定臺灣後令留彼詳酌善後事宜大端已定惟是有治

人無治法因是普吉保於臺灣總兵名望未足以資彈壓而奎林復咎尚輕其操守訓練乃所深信即令往代普吉保為總兵庶可望整勵戎行俾東南海隅永臻寧謐善後

詳陳十六條用斯兩月駐成遙

臺灣善後事宜必得福康安之

忠誠明練方可籌畫及詳陳事宜十六條果皆忠中獎源命廷臣集議准行而福康安歸期以

此遂遲紓猷山海安萬姓錫宴君臣會一朝念

汝父當愜懷永視如子合受恩饒受恩饒處人

知否不嗜殺戮

天惠昭

逆匪林爽文等罔屬罪大惡極然亦有良民被其迫脅者悉予駢誅亦殊可憫瀕行時因

即誠以脅從罔治之義而福康安等果能體予之心專意生擒渠魁惟抗拒者痛加勦洗凡歸降者繫從寬貸即此不嗜殺戮一念乃其克膺恩眷者也

西域金川宴紫

光臺灣凱席值山莊敢稱七德七功就予自即位以來

弗敢輕言用兵然前此平伊犁定回部收金川誅王倫翦蘇四十三洗田五及茲俘林爽文而

七要皆不得已而用之皆仰邀天鑒俱獲成功若唐太宗之修陳七德以為己功則寔不

為又報一歸一事償得已彼時將計日歲事非耳

以水土惡劣。憐我將士多受病者。遣緬酋亦額
求貸罪。遂令撤兵。乃二十年來。業已置之度外。
近據雲南督臣富綱奏。新掌緬甸國事孟順進
貢稱臣。是此一事。雖未就于當年。而此日之歸
誠亦可僧。戒滿持盈。增惕永安。民和衆繁。懷長
予夙願矣。養年歸政。應非遠益。此孜孜勵自強。
申孟秋月中。澣御筆。鈐寶二。古稀天子之寶。猶
日孜孜。

引首

御筆 勞旋宣豫 鈐寶一 古希天子

鑒藏寶璽五福五代堂古稀天子寶八徵耄念之
寶妙意寫清快即事多所欣用筆在心正有同
春寫心人情為田石渠寶笈所藏

御筆仿李迪雞雛待飼圖并題什 一卷

本幅宣德箋本縱七尺八分橫二尺二寸設
色畫雞雛二并題

待飼摹李畫吾心重念之設如歉歲值誰救小
民饑獨我誠深懼諸臣願共思子與舉稷語應
各慎攸司 偶詠宋人名流集添畫冊中李迪
雞雛待飼圖惻然有懷于灾壤饑民之無救也
因摹其畫即用題迪畫韻成什命泐石以示為

民父母之官題李詩並書於左 雙雛如仰望
其母竟何之未解率場啄誰憐空腹饑展圖一
絜矩觸目切深思灾壤民待哺慎哉羣有司
戊申仲秋上澣御筆鈐寶二古稀天子之寶猶
日孜孜

引首

御筆 絜矩民天 鈐寶一古希天子

鑑藏寶璽古希天子五福五代堂古稀天子寶壽

八徵耄念之寶寓意于物用筆在心聊以觀生
意叢雲止有同春清吟寄遐思石渠寶笈所藏